

公餘全集

毓靈琛藏

光緒乙未年刊行

陳修園先生晚餘三書

傷寒真方

歌括

宏道堂梓

序

醫之仲景歷矣六經之理至  
傷寒論矣矣自宋景濂學  
士創為能全書之說而治之  
陋是書者任意刪移名持眩  
說刀圭家苦無適從者陶

陳修園前輩精於醫理嘗取  
仲景傳寒獨其旨要分施辨  
證為立方例洵為未考所者  
復詳注其所然之妙未錄  
魏念庭先生跋語以殿之顧  
曰真方歌括讀若果得其解

是之衛生之一助也。若夫引  
伸觸類不泥於徑而亦不背  
於法神而明之則存乎其  
人矣。

咸豐己未重陽前二日後學

林壽萱謹序

傷寒真方歌括目錄

問長樂陳念祖修園著

東治林壽萱校

卷一

太陽上篇方法

太陽中篇方法

計歌括拾壹條

計歌括玖條

太陽下篇方法

太陽救誤變症方法

計歌括叁條

計歌括拾捌條

卷二

陽明上篇方法

陽明中篇方法

計歌括拾條

計歌括肆條

陽明下篇方法

計歌括叁條

卷三

少陽上篇方法

少陽中篇方法

計歌括陸條

計歌括叁條

少陽下篇方法

計歌括壹條

卷四

太陰全篇方法

計歌括貳條

卷五 其方歌括卷一

少陰全篇方法

治南林壽堂校

太陽計歌括陸條

卷六

厥陰全篇方

陰陽易差後勞復病方法

計歌括伍條

計歌伍條

末附魏念庭先生跋語



傷寒真方歌括卷一

聞長樂陳念祖修園著

治南林壽萱校

太陽上篇方法

太陽為寒水之經。主一身之膚表邪之。初傷必自太陽。經始論云。太

陽為病。脈浮頭項強痛惡寒。統傷寒中風而言也。傷寒詳見中篇

茲請先別中風之病。論云。太陽病發熱汗出惡風。脈浮緩。或見鼻鳴

乾嘔者。為中風病。主以桂枝湯。服湯啜粥。得漿漿微似汗。則愈。若服

桂枝湯。大汗出不解。所以然者。以風邪得微汗。則除。得大汗。反不除

病。不去。則變浮緩之脈。而為洪大。仍用桂枝湯。取微似汗。則愈。倘若

不愈。則病如瘧。狀日再發。邪淺欲散宜桂枝二麻黃一湯。撤其餘邪。則全

愈矣。○前症是汗後餘邪未盡。以小劑爲緩汗法。此症是過經不解。不可不汗。故制此湯以急汗之。不可大汗。故制小劑以小汗之。人知大劑急汗之法。而不知小劑亦有急汗之法也。○若太陽病得之八九日。頭痛頂強。雖日久而未去。熱多寒少。往來如瘧。而發本論云。發一日二。是邪淺而欲衰。面上反有熱色。身癢。必得少汗而全愈。宜桂枝麻黃各半湯主之。○桂枝症面兼喘者。宜桂枝加厚朴杏仁湯主之。○若燒針針處核起。因驚而發奔豚者。宜灸其核。以桂枝加桂湯主之。○若奔豚症欲作未作。其悸只在臍下者。宜茯苓桂枝甘草大棗湯主之。○若悸在心下。叉手冒心者。因發汗過多所致。宜桂枝甘草湯主之。○若悞汗遂漏不止。惡風。小便難。四肢拘急者。宜桂枝加附

子湯主之。○若桂枝症誤下之後胸滿者。是陰邪盛于陽位。恐芍藥  
附和陰氣。宜桂枝去芍藥湯急散之。若兼惡寒者。恐薑桂力微。宜桂  
枝去芍藥。加附子湯以溫散之。○若汗後陽虛陰氣凝聚身痛者。以  
桂枝新加湯行其陽氣。○又有太陽傳入本腑症。發熱六七日不解  
煩渴飲水水入即吐。小便不利者。宜五苓散表裏兩解之。又有太陽  
裏症而表邪具在下後。心下滿。小便不利者。宜桂枝去桂加茯苓白  
朮湯利水。則表邪自化。此皆太陽症虛邪之方法也。

### 桂枝湯

發熱自汗是傷風。桂葛生薑芍藥逢。頭痛項強浮緩脈。必須稀粥合

成功。

芍藥桂枝生薑

各三錢

炙草三錢

大棗四枚

水煎溫服須臾啜稀粥

溫覆取微似汗。此方最切於時用。中風汗自出者用之。麻黃湯復煩者用之。下後脈仍浮者用之。氣沖利不止者用之。陰症脈浮為欲愈亦用之。

桂草辛甘化陽助太陽融會肌氣芍草苦甘養陰啟少陰莫安營血。薑佐桂枝行陽棗佐芍藥行陰此方本不發汗藉熱粥之力充胃氣以達於肺令風邪從皮毛而解不傷氣血為諸方之冠。

時醫以桂枝湯麻黃湯地非此方時非冬月戒不敢用以羌獨蒼芎荊防代之而不知此等藥更燥烈害人也。桂枝湯以桂枝為君。色赤人心生血得芍藥之苦以和之為陰陽調和之劑。麻黃湯以

麻黃爲君。比物輕清走表。絕無辛烈之味。悍濁之氣。又佐之桂枝。入心化液。杏仁入肺降氣。甘草安內攘外。不加薑之上行。棗之留中。逕走肌表。不傷津液。觀蒼芎羌獨之類。孰和平孰峻烈耶。

桂枝二麻黃一湯。

汗出不徹邪還襲。如瘧頻來時。翕翕。桂枝湯二麻黃。表後脈洪。籍此輯。

桂枝 一錢三分。芍藥生薑 各一錢。炙草 七分。麻黃 七分。杏仁 十六箇。

大棗 一枚。先煮麻黃去沫。後入諸藥溫服。○此是麻黃症。只用桂枝。

湯。汗不徹之故。故又作此湯。再解其肌。微解其表。此又桂枝後。更用。

麻黃法也。○按柯韻伯云。麻黃湯桂枝湯兩方各煎。聽用加各半湯。

則各取其半而合服之。此湯則取桂枝湯一分。麻黃湯一分。合而服之。猶水陸之師各有節制。兩軍相為表裏。異道夾攻之義也。後人等其分兩合為一方。與葛根青龍輩何異。

桂枝麻黃各半湯

面熱身癢。感雖輕。小汗輕施。顧衛營。麻杏桂薑芍棗草。減之各半。定方名。

桂枝 一錢二分。芍藥。生薑。炙草。麻黃各八分。杏仁 七枚。大棗 一枚半。

先煎麻黃去沫。入諸藥煎溫服。○此方原小劑治欲退之餘邪。活人借用之。以代解肌諸方。

桂枝加厚朴杏仁湯

桂枝厚朴杏仁湯諸喘皆須疎利方。誤下喘成。還用此去邪下氣本相當。

卽桂枝湯加厚朴

各一錢五分

杏仁

十四枚

○論云喘家作桂枝湯加厚

朴杏仁主之言本然之喘也。又云太陽症下之微喘者表未解也。此湯主之言誤下之喘也。

桂枝加附子湯

照桂枝湯加附

各一錢

桂枝加桂湯

照桂枝湯加桂

二錢

太陽誤下遂拘急。湯本桂枝加附入更有起作奔豚。桂枝加桂湯

宜察

各遂漏症乃汗多脫液陽虛之候此方固陽所以止汗止汗所以救液

此桂枝加附子湯歌也。

○又加桂枝者取味重則能達下也。○此桂枝加桂湯歌也。

茯苓桂枝甘草大棗湯

欲作奔豚。臍下悸。八錢。茯苓。桂枝。四。二。甘。四。棗。水。甘。瀾。直。伐。腎。邪。安  
內志。

茯苓 八錢 桂枝 四錢 甘草 二錢 大棗 四枚 取水揚三五百遍。名甘瀾

水用甘瀾水三杯。先煮茯苓至二杯。入諸藥煮七分。溫服。○此方安  
腎以鎮水。使水不凌心。補脾以制水。使水不泛溢。

桂枝甘草湯

人手冒心。因過汗。心下悸動。欲得按。桂枝。炙草。合。辛。甘。斂。液。安心。固  
汗漫。

桂枝 四錢 炙草 二錢 水煎服。○辛從甘化。陽中有陰。故能補陽。以止



汗。生心液而定悸。

桂枝去芍藥湯。○卽桂枝湯去芍藥。○誤下後胸滿是陰邪盛於陽位。用此湯急散之。不用芍藥者。恐其寒性下行。領陰邪入於腹中。而爲腹滿等症也。○桂枝去芍藥加附子湯。○卽前方加附子一錢。○惡寒爲陰氣凝聚。恐薑桂力薄。故加附子。○按此卽下篇桂枝附子湯方也。但分兩不同。主治遂別。而方名亦因以異耳。

桂枝去芍藥。因胸滿脈促。令平舒上腕。若稍惡寒。陽內弱。速加附子。不客緩。

按喻嘉言謂陽邪盛於陽位。故胸滿脈促。不知陽邪胸滿。多兼喘。